

ЕРЕВАНСКИЙ ГОСУДАРСТВЕННЫЙ
УНИВЕРСИТЕТ

ФАКУЛЬТЕТ АРМЯНСКОЙ

ФИЛОЛОГИИ



YEREVAN STATE
UNIVERSITY

FACULTY OF ARMENIAN
PHILOLOGY

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ
ՀԱՅ ԲԱՆԱՍԻՐՈՒԹՅԱՆ ՖԿՈՒԼՏԵՏ

Երևան, 0025, Արմավյան 52^ա Республика Армения, Ереван, 0025, Абовяна 52^а 52^а Abovyan, 0025, Yerevan, Republic of Armenia (+374 10) 54-43-91/94,95,96/1-37, armphilology@ysu.am, www.y-su.am

ԱՐՁԱՆԱԳՐՈՒԹՅՈՒՆ ԹԻՎ 1

ԵՊՀ-Ի ՀԱՅ ԲԱՆԱՍԻՐՈՒԹՅԱՆ ՖԱԿՈՒԼՏԵՏԻ ԳԻՏԽՈՐՀՐԴԻ՝ 2024 Թ. ՀՈԿՏԵՄԲԵՐԻ 2-ԻՆ ԿԱՅԱՑԱԾ ՆԻՍՏԻ

Օրակարգում՝

- Գիտխորհրդի 2024-25 ուստարվա աշխատանքային պլանի հաստատում:
- 2024-25 ուստարվա 1-ին կիսամյակի 1-ին ընթացիկ քննությունների նախապատրաստական ընթացքը (զեկուցող՝ Ա. Սարգսյան):
- Հաճախումների ընթացքը ֆակուլտետում:
- ԵՊՀ էլեկտրոնային համակարգում դասախոսների կողմից տեղադրվող նյութերի և պաշարների վերաբերյալ տեղեկատվության ներկայացում:
- «Բարձրագույն կրթության և գիտության մասին» ՀՀ օրենքի նախագծի վերաբերյալ տեղեկատվության ներկայացում:
- Ընթացիկ հարցեր:

Սկսելով գիտական խորհրդի նիստը՝ հայ բանասիրության ֆակուլտետի ղեկան դոց. Ա. Գալստյանը տեղեկացրեց, որ գիտխորհրդի 32 անդամներից նիստին մասնակցում է 22-ը, և ապահովված է անհրաժեշտ քվորումը: Նա այնուհետև ընթերցեց նիստի օրակարգը, որը հաստատվեց միաձայն բաց քվեարկությամբ:

Օրակարգի 1-ի հարցի առթիվ հայ բանասիրության ֆակուլտետի ղեկանը տեղեկացրեց, որ ֆակուլտետի գիտխորհրդի՝ 2024-25 ուստարվա աշխատանքային պլանը նախապես ուղարկվել է ամբիոնի վարիչներին՝ ծանոթանալու, քննարկելու և անհրաժեշտ դիտարկումներ անելու նպատակով: Գիտխորհրդի քարտուղար Լ. Մելքոնյանը ներկայացրեց ֆակուլտետի գիտխորհրդի 2024-25 ուստարվա աշխատանքային ժամանակացույցը, որը հաստատվեց միաձայն բաց քվեարկությամբ:

Օրակարգի 2-րդ հարցի առթիվ հայ բանասիրության ֆակուլտետի գրասենյակի ղեկավար դոց. Ա. Սարգսյանը տեղեկացրեց, որ առկա ուսուցման 1-ին ընթացիկ քննությունների կազմակերպման ընթացքը նորմալ է, հարցաշարերը նախապես տրվել են ուսանողներին, և քննությունները մեկնարկելու են հոկտեմբերի 28-ից: Ա. Սարգսյանը նաև տեղեկացրեց, որ բոլոր կուրսերի հետ նախապես քննարկվել և համաձայնեցվել է քննությունների գրաֆիկը: Ամբիոններն էլ իրենց հերթին դասախոսներին ուղարկել են

գրաֆիկները: Գրավոր քննությունների ժամանակ վերահսկողությունը մեծացնելու և արտագրություններից խուսափելու համար առաջարկվում է ներգրավել դոցենտների և պրոֆեսորների օգնականներին:

Օրակարգի 3-րդ հարցի վերաբերյալ ֆակուլտետի դեկան դոց. Ա. Գալստյանը տեղեկացրեց, որ ուսանողների հաճախումների պատկերը առանձին կուրսերում այնքան էլ լավ չէ, առանձին դեպքերում որոշ դասախոսներ ուշադրություն չեն դարձնում այդ հանգամանքին, և գիտխորհրդին հիշեցրեց, որ հաճախումների համար ուսանողները միավոր են ստանում, ուստի պետք է խիստ լինել այդ հարցում և հետևողականորեն նշանակել բացակայությունները: Խստացվել է նաև բացակայությունների սահմանային շեմը. Ուսանողը 40 ժամ բացակայելու համար ստանում է ֆակուլտետի նկատողություն, 60 ժամ բացակայելու դեպքում՝ ռեկտորատի նկատողություն, իսկ 80 ժամ բացակայելու դեպքում կարող է հեռացվել համալսարանից: Հաշվի առնելով այն հանգամանքը, որ մագիստրատուրայում ուսանողների մեծ մասը նաև աշխատում է, և առանձին դեպքերում ուսանողները, դրանով պայմանավորված, բացակայություններ են ունենում, գիտխորհուրդը որոշեց մագիստրատուրայում ուսանողների հաճախման համար տրվող միավորը սահմանել 1 միավոր, իսկ բակալավրիատում՝ 3 միավոր, ինչպես սահմանված էր նախորդ կիսամյակում:

Օրակարգի 4-րդ հարցի վերաբերյալ ֆակուլտետի դեկան դոց. Ա. Գալստյանը տեղեկացրեց, որ ԵՊՀ ուսուցման էլեկտրոնային E-learning համակարգում դասախոսները պետք է տեղադրեն իրենց վարած դասընթացների վերաբերյալ ուսումնական անհրաժեշտ նյութերը, դասագրքերը, հարցաշարերը, հատկապես դասընթացի վարման օրացուցային պլանը և հետևողականորեն հետևեն դրանց լրացմանը:

Օրակարգի 5-րդ հարցի մասին ֆակուլտետի դեկան դոց. Ա. Գալստյանը տեղեկացրեց, որ հանրային քննարկման է ներկայացված ՀՀ՝ Բարձրագույն կրթության և գիտության մասին օրենքի նոր նախագիծը: Այն ուղարկվել է բոլոր ամբիոնների վարիչներին՝ ծանոթանալու և առաջարկությունների համար: Նախագծի դրույթները ընդհանուր առմամբ ընդունել են, և գիտխորհուրդը որևէ առարկություն չունի:

Դեկան Ա. Գալստյանը գիտխորհրդին տեղեկացրեց նաև, որ փոխվել է ասպիրանտուրայի տեղեր պահանջելու կարգը: Նոր կարգի համաձայն՝ ասպիրանտի հավանական ղեկավարը պետք է ՀՀ Գիտության պետական կոմիտեի կայքում էլեկտրոնային հայտ լրացնի՝ նշելով հավանական թեման և հիմնավորելով դրա անհրաժեշտությունը: Այդ հայտադիմումի հիման վրա էլ ֆակուլտետների գիտխորհուրդները հաստատում են ասպիրանտական տեղերի հայտերը:

Ընթացիկ հարցերում՝

1. **ԼՄԵՑԻՆ** – ԵՊՀ Հայոց լեզվի ամբիոնի առկա ասպիրանտ Ամայյա Հունանի Հարությունյանի ատենախոսության թեմայի և գիտական ղեկավարի հաստատման հարցը: **ԱՐՏԱՀԱՅՏՎԵՑԻՆ.** - Պրոֆ. Յու. Ավետիսյանը, դոց., դոց. Ա. Սարգսյանը, Ա. Տեր-Մինասյանը, Թ. Տոնոյանը:

Նշվեց, որ ուսանողուհին ավարտել է «Ժամանակակից հայոց լեզու և թարգմանչական գործ» մագիստրոսական ծրագիրը գերազանց առաջադիմությամբ: Ուսանողուհու գիտական հետաքրքրությունների շրջանակը հաշվի առնելով՝ ամբիոնը ատենախոսության թեմա է առաջադրում «Գրաբար - միջին հայերեն - արևմտահայերեն փոխանցումները անվանական համակարգում», իսկ գիտական ղեկավար՝ հայոց լեզվի ամբիոնի վարիչ, Բ. Գ. Պ., պրոֆ. Յու. Ավետիսյանին:

ՈՐՈՇԵՑԻՆ – 1. ԵՊՀ հայոց լեզվի ամբիոնի ասպիրանտ Ամայրա Հունանի Հարությունյանի ատենախոսության թեմա հաստատել «Գրաբար - միջին հայերեն - արևմտահայերեն փոխանցումները անվանական համակարգում» Ժ 02.01 - «Հայոց լեզու» մասնագիտությամբ:

2. Ամայրա Հարությունյանի գիտական ղեկավար նշանակել հայոց լեզվի ամբիոնի վարիչ, Բ. Գ. Պ., պրոֆ. Յու. Ավետիսյանին:

2. ԼՍԵՑԻՆ – ԵՊՀ Հայոց լեզվի ամբիոնի առկա ասպիրանտ Արևիկ Գառնիկի Խամոյանի ատենախոսության թեմայի և գիտական ղեկավարի հաստատման հարցը:

ԱՐՏԱՀԱՅՏՎԵՑԻՆ. - Պրոֆ., պրոֆ. Յու. Ավետիսյանը, Ալ. Մակարյանը, դոց., դոց. Ա. Սարգսյանը, Մ. Ֆալակյանը, Թ. Տոնոյանը:

Նշվեց, որ ուսանողուհին ավարտել է «Ժամանակակից հայոց լեզու և թարգմանչական գործ» մագիստրոսական ծրագիրը գերազանց առաջադիմությամբ: Ուսանողուհու գիտական հետաքրքրությունների շրջանակը հաշվի առնելով՝ ամբիոնը ատենախոսության թեմա է առաջադրում «Թվային գովազդի լեզուն», իսկ գիտական ղեկավար՝ հայոց լեզվի ամբիոնի վարիչ, Բ. Գ. Պ., պրոֆ. Յու. Ավետիսյանին:

ՈՐՈՇԵՑԻՆ – 1. ԵՊՀ հայոց լեզվի ամբիոնի ասպիրանտ Արևիկ Գառնիկի Խամոյանի ատենախոսության թեմա հաստատել «Թվային գովազդի լեզուն» Ժ 02.01 - «Հայոց լեզու» մասնագիտությամբ:

2. Արևիկ Խամոյանի գիտական ղեկավար նշանակել հայոց լեզվի ամբիոնի վարիչ, Բ. Գ. Պ., պրոֆ. Յու. Ավետիսյանին:

3. ԼՍԵՑԻՆ - Հայ բանասիրության ֆակուլտետի հայոց լեզվի ամբիոնում գիտական և գիտատեխնիկական գործունեության պայմանագրային (թեմատիկ) ֆինանսավորմամբ իրականացվող «Արդի արևելահայերենի քերականական ուսումնական բառարան» (ղեկավար՝ բան. գիտ. դոկտոր, պրոֆ. Յու. Ավետիսյան) թեմայի ամփոփիչ հաշվետվությունն ընդունելու հարցը:

ԱՐՏԱՀԱՅՏՎԵՑԻՆ – Պրոֆ. պրոֆ. Յու. Ավետիսյանը, Ժ. Քալանթարյանը, դոց. դոց. Ա. Գալստյանը, Մ. Ֆալակյանը, Ա. Սարգսյանը, Ա. Տեր-Մինասյանը, Թ. Տոնոյանը և ուրիշներ:

Նշվեց, որ թեմայի իրականացման երրորդ տարվա առաջին երկու եռամսյակները եղել են բառարանի կազմման աշխատանքները ամբողջացնելու ժամանակահատվածներ: Բառարանում ներկայացված է մոտ 4000 բառի ձևաբանական ամբողջական նկարագրություն: Բառարանային նյութը ընտրված է ժամանակակից արևելահայերենի գործածական և հիմնականում ձևակազմության մեջ որոշակի դժվարություններ ներկայացնող բառերից: Բառարանն ունի ընդարձակ նախաբանը, որում հստակեցվում և պարզաբանվում են բառարանի կազմման սկզբունքներն ու չափանիշները, քանի որ այս

բառարանում առանձին բառերի և դրանց առանձին քերականական հատկանիշների վերաբերյալ արձանագրված են ավանդաբար ընդունված և գրքից գիրք մեխանիկորեն փոխանցված տեսակետներից տարբեր տեսակետներ: Թեմայի իրականացման վերջին եռամսյակում կազմակերպվել են հրատարակչական գործընթացին վերաբերող ընթացակարգերը: Արդեն սեղանին է գիտական թեմայի վերջնարդյունք հանդիսացող բառարանը: Այն կարևոր ներդրում է հայ քերականագիտության մեջ, քանի որ արտացոլում է լեզվում տեղի ունեցող տեղաշարժերը և նոր մոտեցումներով ու սկզբունքներով է ներկայացնում քերականական շատ իրողություններ: Բառարանը նախատեսվում է բանասերների, ուսուցիչների, ուսանողների, բարձր դասարանների աշակերտների, առհասարակ, մտավոր աշխատանքով զբաղվողների և հասարակության լայն խավերի համար: Հաշվետու ժամանակահատվածում թեմայի առնչությամբ տպագրվել է 3 հոդված:

ՈՐՈՇԵՑԻՆ – Ընդունել հայ բանասիրության ֆակուլտետի հայոց լեզվի ամբիոնում գիտական և գիտատեխնիկական գործունեության պայմանագրային (թեմատիկ) ֆինանսավորմամբ իրականացվող «Արդի արևելահայերենի քերականական ուսումնական բառարան» թեմայի ամփոփիչ հաշվետվությունը և թեման համարել կատարված:

4. ԼՍԵՑԻՆ - Հայ բանասիրության ֆակուլտետի մագիստրատուրայի առկա ուսուցման «Հայոց լեզվի պատմություն և լեզվաբանություն» մագիստրոսական ծրագրի երկրորդ կուրսի ուսանողուհի Էմմա Էդուարդի Նոնինյանին «Լավագույն ուսանող» ամենամյա մրցույթին մասնակցելու երաշխավորության հարցը:

ԱՐՏԱՀԱՅՏՎԵՑԻՆ – Պրոֆ. Յու Ավետիսյանը, Ա. Գալստյանը, Ս. Ավետյանը, Վ. Պետրոսյանը, Ա. Սարգսյանը, Վ. Եղիազարյանը և ուրիշներ:

Նշվեց, որ Է. Նոնինյանը ֆակուլտետի գերազանց սովորող ուսանողներից է, միշտ աչքի է ընկել գիտելիքներով, ակտիվությամբ, եղել է ուսիտրիորդի ակտիվ անդամ, վայելում է ուսանողների և դասախոսների սերն ու հարգանքը: Նա միանգամայն արժանի է լավագույն ուսանող ճանաչվելու:

ՈՐՈՇԵՑԻՆ – Հայ բանասիրության ֆակուլտետի մագիստրատուրայի առկա ուսուցման «Հայոց լեզվի պատմություն և լեզվաբանություն» մագիստրոսական ծրագրի երկրորդ կուրսի ուսանողուհի Էմմա Նոնինյանին երաշխավորել մասնակցելու «Լավագույն ուսանող» ամենամյա մրցույթին:

ՀԱՅ ԲԱՆԱՍԻՐՈՒԹՅԱՆ ՖԱԿՈՒԼՏԵՏԻ

ԳԻՏԱԿԱՆ ԽՈՐՀՐԴԻ ՆԱԽԱԳԱՀ՝

ԳԻՏՔԱՐՏՈՒՂԱՐ՝

Ա. ԳԱԼՍՏՅԱՆ

Լ. ՄԵԼՔՈՆՅԱՆ

